

Deepwaterfischen reddden de düütske Binnenstadt!

Ik glööv, wenn ik Bioloog worden weer, denn harr ik mi up Deepwaterfischen spezialiseert. Dat sünd mit Ofstand de raarste un arigste Figöken, de 't up de Welt so geven deit.

Mojigheid hebben de Lüü ja so of so vöols to hoog in d' Reken. Man dat höört sük ja ok nich, wenn wi mit uns minselk Definition van Mojigheid up heel anner Kreaturen daalgahn. Solang sük bi Pelikaanaal un Lateernenfisk alltied noch noog Manntjes un Wiewkes finnen – un dat is ja bi de Düüstergheid in de depe See ja stuur noog – mutten se sük ja mögen.

Vör en Sett al schreev ik över de Leegstand in düütske Binnensteden. Dat Problem besteht bit vandaag. En Lösung is schients nich in Sicht. Dat treddt weer klaar vör Ogen, sietdeem al weer över fievtig Karstadt-Filialen in Düütskland dichtmaken.

Vör en Sett schreev ik: Well seggt egenlik, dat 't in Binnensteden blot Koophusen geven mutt? Langen nich lesdielen un Cafés ut? Nee, blot to Koffje drinken komen de Lüü nich in d' Stadt, daar mutt 't ok reell wat to kopen geven. Mien Vörslag van vör en Sett weer: Wat is, wenn 'n ut de Koophusen einfach Wohnhusen maken deit?

Is ok nich so mackelk: Bi Karstadt, Kaufhof, Hertie



Wilko Lucht gehört zum Team der Autoren, die diese Kolumne schreiben.

KOLUMNE

Moin, Moin
Schrievers
allerbest
Pläseer
Smüstern

Spraak
moje
hoop
Vertellisel

Platt maakt

un wo s' all heten gafft 't woll van Spellen un Knopen över Angelhakens bit to Trüffelzuckerlaa all, wat 'n sük vörstellen of nich vörstellen kunn. Blot eens nich: Sünnenlicht.

Daar weer 't sünner Lampen haast nett so düüster as in de Marianengröpp, sotoseggen. Dat Lucht in Koophusen kweem van anderswaar.

Well in disse Dagen up de Idee kummt, ut Koophusen Wohnhusen to maken, de mutt eerst maal daaröver reselveren, wo he Sünnenlicht tüssen de Müren kriggt – denn de Reken för 't Elektrisch, de daar rutsurt, will sük in disse Dagen kien Privaatperson an d' Been binnen.

Mit Koophusen as Wohnhusen word dat also nix. Daar mutt anners wat her. Passenderwies is ja Enn verleden Jahr dat grote Aquarium in Berlin bursten. Bitlang steiht noch nix daaröver fast, of he weer upbaut worden sall. Man de Markt för grote Aquarien in düütske Binnensteden is seker wiederhen daar. De Aquarien mutten ja nich futt so groot un so rund wesen as dat Dingerees in Berlin. En Nummer lüttjer un quadratischer geiht 't seker ok.

Dat bedüddt: In lege Koophusen passt alltied noch en Aquarium in. Un umdat dat in de Koophusen so düüster is, können sük Pelikaanaal un Lateernenfisk al freien, dat se sük bold in mennig Ex-Koophuus-Aquarium tummeln können. Dat word en Spijöök för de hele Familie!